

北郭集



編三刊叢部四

集郭北

(81024)

中華民國二十五年六月初版

本書實價國幣壹元伍角

外埠酌加運費匯費

發行人

王

上海

雲

河南

五

南路

印刷所

商

上海

印

河南

書

南路

館

路

發行所

商

上海

印

及

書

各

館

埠

北郭集卷之五

五言律

吳郡徐賁幼文著

題田家

田家無別業朝夕理東菑敢說農功苦惟憂稼事遲
牧歸牛飽後祭散犬迎時更得輕徭役豐年樂有期

宿王判簿宅送徐孟岳

來往頻吳越扁舟只載書言從交後決情恐別時
踈涼意蓮塘靜宵光竹牖虛懸知待明發柝盡是愁初

寄金子肅

春色邊城暮君如客况何傷心離母久失意傍人多慰
乏花時酒悲因月夜歌有家歸未得非是隔關河

題杏林圖贈陳子京

茅山無四隣紅杏萬株春收穀還憑虎我花賸有人學
仙離世久訪病出山頻我獨懷芳躅君能繼後塵

東城道中與王守敬張思廉同賦

水郭秋風後尋詩客共過晚鴻將集渚風葉盡隨波野
客便詩思潭魚識棹歌前山青數點不似亂雲多

同高記室訪虎丘蟾苞二上人

林下曾相見重來記往年咲談俱是法去住本無緣山
溜泉通脉簾陰竹護烟暫忘人世事得此共棲禪

送唐處敬赴嘉興

莫謾唱陽關愁多湖上山春風催去艇酒色解離顏路

出三江外程淹一日間官亭車馬散俱是送君還

次韻荅楊孟載池閣晚坐

四首

獨坐面萍池微涼况碧漪意緣多病懶詩是苦吟遲孤
柳風難定叢篁雨不欹蕭閑此中趣未信髮如絲

晚涼池閣靜藹綠陰交野燕將新子墻桑發舊苞藥

房因雨閉茶臼待晴敲誰念孤吟客繩床坐岸坳

閣晚飈初歇池萍水不漪衆禽鳴未定獨鶴宿常遲無

悶杯仍酌多眠枕屢欹黃梅時節裏常是雨絲絲

習靜消微恙驚時念故交花殘紅刺萼蕉長綠成苞茶

器晚猶設歌壺醒不敲遙知涼思足行樂到林坳

荅宋仲溫見過不遇之作

樵蹤空枉問，值此掩重扉。餘雪寒猶在，初陽曉尚微。鄰
遙雞獨唱，厨靜雀群飛。愧乏應門者，留君待我歸。

次韻高季迪期遊雲岩雨阻之作

身勢兩無妨，閑情獨未忘。相期移酒艇，同宿過僧房。節
物寧長好，園花已罷芳。亂山烟雨外，欲望失蒼蒼。

秀野軒

何處問幽尋，軒居湖上林。竹陰看坐釣，苔迹想行吟。嶂
日斜明牖，渚風涼到琴。相過有隣叟，應只話關心。

和高二啓聞隣家琵琶之作

花暗短垣春，琵琶度隔隣。促絃知改調，停撥怕要人。得
見情應眷，遙聽思已親。摧藏曲中怨，何事話能真。

喜高記室了上人見過

晨起掃閑齋涼風葉滿階
吟邀隣友和坐喜野僧偕
雨意宜深竹庭陰得古槐
清樽常自滿能不寫幽懷

送易架閣

何處唱離歌前湖一棹過
日斜山似近水落渚偏多
寒意歸沙柳秋風到浦荷
不知今夜夢還隔幾烟波

送王團練赴邊

遠塞頻經擾重煩團練行
堠兵傳虜信關吏說邊情
月黑深防檄風高屢按營
羽書聞近息喜復見秋成

丁未年人日

人日轉寒深春城澹
陰殘梅仍故色啼鳥換新音
曆

喜逢時看詩多感物吟愁來渾是醉誰道酒能禁

飲櫻桃花下次韻饒叅政

西園風雨過今日始知春對酒皆閑客逢花即故人悲
歡情各異醒醉量難均忽洒樽前泪愁多易滿巾

賦得收穀虎贈葛太醫

紅杏子初熟黃斑性久馴卧看收穀器行識間醫人逐
少非營利藏多得贍貧近聞勾漏縣花似董林春

聞高季迪病眼因寄

芳時聞病目幾日卧齋房有女能修藥多人為送方書
吟還不廢夜誦定相妨每到看花處思君詎可忘

贈古心上人

已斷鄉山念，聊隨雲水緣。時々惟禮佛，處處即安禪。半偈心曾契，三衣体自便。遙知明月夜，趺坐降諸天。

待杜二寅不至

春水路西東，思君悵望中。落花湖上雨，歸鳥柳間風。雲影疑飛蓋，歌聲認短蓬。蕭條一杯酒，此夕向誰同。

送李山人還越

舊宅鑑湖陰，東歸悵遠心。風帆沙樹杳，驛路水雲深。袖有題詩卷，囊多賣卜金。翩然自來往，應不負山林。

呂山人客圓明精舍有贈

遠與山家別，來依佛殿居。寄齋頻施米，作供賸藏蔬。禪處容分榻，經餘許看書。暫隨僧結夏，出市也應踈。

荅余左司

南城悵遠別北里念周旋賭墅春同奕聽江雨對眠詩
情空日、花事自年、何處思君切牙營鼓角邊

綠水園燕集

客集金闈彥筵張綠水園池陰夏荷滿日正午葵繁和
曲均歡意摘詞涉道言欲還惜餘興更為坐前軒

同唐文學肅王校書行訪衍畧二上人留宿真
慶精舍得聞字

僧院城南僻禪林夜見分觀心方有悟演法侶無聞燈
影欺微月簾陰護宿雲偶因來問竹况得此逢君

雨後過桃花塢

林晚帶城陰斜光里巷深過時思燕賞感物廢行吟
暫出畦間蝶將棲柳外禽亂離雖有恨能到亦娛心

詠隣家桃花

綺樹隔園隣牆陰得見春艷香還可挹芳質未容親
賴有情勾蝶羞無語向人靈源纔咫尺不用覓通津

詠柳

裊々復垂々千絲更萬絲枝殘離別處花落艷陽時
泣雨愁多眼縈烟誤學眉龍池看更好洛水種偏宜

經廢永定寺寄謝元功

路轉廢垣邊依々市井連院荒晴見蝶僧出午無烟古
佛存唐像殘碑記宋年自悲人境異此地更蕭然

與高季迪宿丁志剛宅次韻

貶遠歸方喜交深見愈親
戀詩留兩日醉酒記三人
竹密梢禁雨梅高蕊應春
論心元有素不用再相陳

夜投白蓮寺

在甫里

飲別東家叟行投西寺僧
無風收閣幔有月罷廊燈
竹夜聲偏集池寒色似凝
無端值詩景清興覺逾增

黃山人家次韻答陳秀才

相逢坐上客俱是此鄉人
重見兵前面能全竄後身
月遲疑夜短風乍覺寒新
為訴窮途事都忘語意頻

題張來儀畫次韻高季迪

萬水更千岑朝晴又暮陰
猿聲風出樹虎跡雪圍林
酒

具遊曾遍詩材思更深相看畫中客不異共行吟

和陶文學月夜泛湖之作

水色浩無涯乘舟學泛槎澄河天合影遠浪月浮花夜
暗丹楓浦秋明白鷺沙歡情尤未已還復過隣家

送宋天章歸南康葬親

道路經千里風塵過十年遺阡寒草外故墅夕陽邊去
買臨江艇歸求負郭田遙知葬親處雙鶴吊秋烟

題王嘉主簿母夫人李氏墓銘後

早歲傳貞節名家出令儀萱堂恒享壽蒿里忽成悲子
哭雷鳴夜人看露降時西亭墓前樹爭為護新枝

過東園有感

閑步林中屨來敲竹下門雲陰平亂堞烟景聚荒園近
晚虫逾切當秋菊自繁誰能忘感慨到此不銷魂

與金文中朱仲義宋仲溫過李士明鍊師雨阻
留宿探韻得孤字師有酒馱如鶴形因扁居曰

鶴瓢山房

齋房留坐久寒雨灑庭隅筵促蘭香近池空桂影孤酒
瓢憐似鶴蠟屐恨非鳧雖阻還家興清言亦可娛

寄衍書記

聞道歸來日空山獨寄禪施經村口市澣衲石根泉竹
色林扉掩雲深草閣連秋風苦相憶空托下方緣

對鏡

把鏡忽成悲衰顏獨對時風塵空老我勲業竟煩誰乍
見如曾識頰者却又疑黃冠初欲試短髮可相宜

雨中過陳秀才宅

一逕來東嶼茅堂竹映扉鶯聲寒尚少樵響午猶稀苔
雨漫棋局蘿風入桁衣愛君能賞靜纔到便忘歸

兵後過畢亭山

畢亭西去遠一過一淒然鴈宿蘆中月人歸草際烟漁
家多近水戎壘半侵田尚喜餘民在停舟問昔年

題閔氏廢園

園景正蕭然那當雨後天花臺曾置酒蓮港却通船水
涸橋仍構畦荒路漸連如何遊賞日不在未兵年

晏起

高卧齋房静悠々，鷄唱殘空明窓易曉。日出帳仍寒謝
事容身懶甘貧任路難，不妨教晏起幸得此時安。

中秋

圓月秋方皎，涼天夜愈澄。杯憐娼女勸，樓看美人登。皓
氣浮金界，遙光轉玉繩。綵鸞招不下，簫管竟無憑。

同衍師訪席有道分韻得尋字又得無字

二首

邂逅空門友，仙家得共尋。石苔經屐破，冰溜落溪深。雲
過松分影，林寒鶴避陰。何煩謝人世，心静只山林。

村深一逕遠，幽鳥喜相呼。心與天光淨，身兼鶴影孤。雨
苔隨地有，木葉過霜無。為問蓬壺客，何年種白榆。

過妙智院臨西澗望海虞諸山得塵字

來問東林社行吟西澗濱
水痕秋更淺山色雨如新
落木無棲鳥扁舟有去人
欲因尋石室深愧客衣塵

喜王介休過次韻

喜尔頻來往敲門每夕曛
迴風偏入幙高樹徧留雲
激石灘聲轉投沙鴈字分
自慚踈懶性不是厭塵氛

同黃本中山人衍畧二釋子會宿桐里寶師房
小艇泊江濤同來宿梵林
雨香茶榻近烟影竹垣深
幸得芳時見寧辭醉後吟
歡娛當此夕亦足憫離心

題金山幽居

君家住橫塘繞屋盡垂楊
遙山多雨意平野足風光
蟄

後童尋笋蚕時婦採桑閑中無別事應只類醫方

虞文學村居

行盡沙村路林塘得隱居竹光琴席上蓮氣酒杯餘
露重時聞鸛風平或見魚會當明月夜相與步前除

藥圃

高樹草堂陰林蹊繞澗潄三稜收夏草五葉認春畦
上風香襍泉頭土脉深應知扣門者多是病家尋

蝶

化後微蠹出生與衆蜂忙冒雨仍調舞因風得恣狂
獨憐花下影避識酒邊香失意驚羅扇含情戀繡床
賦得洗藥贈張性之提舉

携將一藥筐浣濯向迴塘根沁泥難淨苗新亦易傷曝
時猶帶濕浸處尚流香聞尔勤脩製多應按古方

遊靈鷲寺

在吳城

香林竹樹踈靈鷲古僧居淨几陳齋器名函貯梵書激
觀諸相外幽詠六時餘每到成清坐塵根亦自除

約李伯章宿浩師房不赴明日因寄

舊有通家好都來老大時喜當蕭寺見恨阻夜窓期城
陡星河逼陂乾草樹衰無因慰懷抱聊尔為題詩

姚生家菊窓

黃花近間白疊々獻秋妍佳色虛櫺映寒香小牖傳交
芳同結綺並巧闢連錢來徃毋煩問相看自可憐

北集卷五
喜許孝廉見過賦此以謝

每負尋君約，翻令載酒過。
青山閑對客，白髮醉宜歌。
掉響蘆間亂，禽聲桂裏多。
無端趣歸去，今暝柰愁何。

次韻如律侍者

蚤悟空門學，迷津得濟涯。
逢人談淨業，邀伴結長齋。
瓶古泉滋瑩，杯香茗味佳。
定知趺坐外，別自有吟懷。

次韻頤浩知客

禪關臨九市，喧寂此中分。
寶石棲嵐影，珠林帶夕曛。
花間時禮塔，鶴上每招雲。
空界多詩景，幽吟盡屬君。

寄贈李道士

學仙不離世，遠地構齋房。
簷蔓為衣桁，山瓢當酒觴。
飯

甘麻有味漿粳桂多香一自相違後雲墟望更長

李逸人同川藥隱

小墅離村遠門當水竹開芷蒲皆藥草雲鳥盡詩材春
雨躬耕去斜陽訪病回花藏溪上路只許酒船來

宴王允同雅會堂用外舅韻

東風奏絃筦開宴錦堂深酒氣酣春色桐香落午陰花
殘惟駐萼鶯老尚調音感此頻懷舊因傷久別心

題春江雲舍

舍遠深藏樹沙虛暗宿雲春江孤艇度村迳幾家分出
澗泉皆雨當門草是芸花時重作約載酒此逢君

題逸人陋居

小逕入幽林齋房住更深廢垣花蔓葛荒圃草迷參藏
帖存家業修方寓道心幾回舟過處柳下記相尋

夜坐池上有詠

新涼滿綠波窓戶雨纔過岸響聞蒲葦池香識芰荷隔
雲星現少承月露凝多夜靜誰能到詩成只自哦

問謀佺二上人病

出世歸來早蕭然一古僧色身因病惱道念與年增花
塔留孤錫松房置七燈遙知幽詠處野色望中凝
已斷遊方念天寒獨閉房禪期多疾廢經誦老年忘几
上惟香貝龕前有藥囊鄉人皆敬愛無不餽新方

北郭集卷之五

北郭集卷之六

五言律

吳郡徐賁幼文著

泛碧浪湖

在湖州南門外

邀客泛流槎，開樽對渚沙。
芡袍沾杏雨，蘭棹撥蘋花。
積水添湖滿，遙山抱郭斜。
閑情遂幽賞，聊用答年華。

遊浮玉山

在碧浪湖中次韻

浮玉山前路，樓船泊渚沙。
蘋香風際草，杏色雨前花。
閑鳥兼湖淨，遊絲趁岸斜。
不因來此處，那得賞春華。

晚過西崦費氏別業贈明天目長老

烟光暗墟落，澗道入層々。
不訪中林士，那逢西崦僧。
山厨將具黍，隣屋為分燈。
自覺行來倦，清談處弗勝。

一身

一身經喪亂，此地獲偷安。
羽檄今朝急，征鼙幾夜寒。
遠峯明或近，新月淡如殘。
雖有樽中酒，離懷不自寬。

宿彭閣

溪流處處通，舟出野橋東。
小閣雲停雨，閒門竹掩風。
僧迎先問候，客至只談空。
不道經離亂，清溪得此同。

晚行南岷懷陳文度

離思滿荒烟，行行只自憐。
吟成流水次，望斷鷗邊葉。
戀經寒樹星，催欲夜天懷。
君無數里，渾似隔山川。

夜行東湖

葭菼連湖道，新寒夜更清。
波搖星失影，風過鴈流聲。
估

船依村宿暗人傍水行棹歌何處起杳渺不勝情

山館喜黃校理莫先輩見過

為客荒齋夜相過喜見君酒盃今僕進厨火向隣分歸
計貧難定愁言醉可聞無由免流落歸卧故山雲

蜀山書舍圖

山水幽深處閑居此地曾傍花春宴客者竹午逢僧雲
樹尋新咏岩巒憶舊登兵塵今間阻對畫思難勝

已酉八月十七日夜泛碧浪湖泊浮玉山對月

呈席上諸公

水月共秋妍山椒夜泊船人來黃葉浦漁宿白鷗天聞
唱風瀾外持杯露影前自從經喪亂誰得此留連

期萬僉憲杜進士徐校理遊張林山

東風半寥落遊賞已蹉跎
春色邀人醉歡情待妓歌
花愁經雨少鶯語在山多
預作明朝約寧辭載酒過

贈山中隱者

居久辭簪紱蕭然世外心
壺盛師授藥囊積自燒金
長嘯千峯表閑行百澗潄
猶嫌樵牧到更欲住雲深

寄道場長老渭清遠

逍遙佛境居性相自如如
說法神龍衛傳經寶象輿
乳花香積供貝葉梵天書
一自遊方後春來出寺踈

蓮花涇莊

洲渚綠縈迴菱荷面面開
路從花外過山向柳間來
鳴

鷺鷥迴舫遊魚仰酌杯同為城郭裏此地絕塵埃

閑居

遠徑蕪山水閑居得野情
踰垣鷺竄鹿出樹見啼鶯藥
圃泉邊闢瓜田雨裏耕喜無冠冕志因得少逢迎

題周伯陽所居

山深獨置家地帶竹林斜
花盡纔收蜜烟生正焙茶
客來門放屨樵出路鳴車
不但成高隱營生亦有涯

題趙道士山居

閑心與世忘遠住白雲鄉
種玉旋開地藏丹別置房
禽魚各有樂椒桂本同芳
已謝來轅久後教徑路荒

山中琴興

北集卷六
三
岩上露初霽旭日照高林古澗雲蘿窈孤亭松桂深鳴
琴始成調流水復同音為問山中客誰知靜者心

黃山人梓里

山中多豫章門巷綠成行晴日花明夏南風葉汎涼密
陰同岸杞遠色並畦來望望林泉處居家有草堂

登東林塔

孤峯元絕漢層塔更凌空輪相超三界鈴音韻八風烟
蘿登已盡雲水望何窮自喜身強健來居香靄中

馮山人湖上別業

宅近南湖口青山盡在門田卑嘗冒水鄰少不成村住
久諳農事耽閑悟道言如君避地者今有幾家存

答胡勉秀才

採蘭不可度，悵望莫江皋。
湖勢歸還疾，鶯聲飛尚高。
曲憐琴上怨，人憶酒中豪。
莫謂天涯遠，題詩豈憚勞。

思親亭

孤亭碧澗潄，長日此登臨。
每到看雲處，都成憶母心。
壽萱春自綠，慈竹夏多陰。
不為閑瞻咏，惟歌遊子吟。

送湯伯貞之京

曉日轉城鴉，驅馳陌上車。
身雖居道路，心已戀京華。
隴樹蕭蕭葉，河流混混沙。
到時春爛熳，開遍上林花。

送思上人

一瓶與一錫，遊越復遊吳。
到寺長逢舊，看山每過湖。
飯

緣隨處有法意本來無南地多猿鳥還驚梵語殊

詠鷗得苗字

下上及沅潮尋盟不待招群飛分嶼色獨宿隱蒲苗晴
影沉江小春聲泛渚遙自嗟江海客短髮共蕭蕭

送張文學

芳筵趣新餞商瑄默秋聲淡川星沒遙海鴈征維
舟延客景者路計歸程以此遲留意聊將暢別情

詠妓

出閣初含笑臨筵復理粧蘭膏分髮綠蔬粉間眉黃掩
扇羞嗔小褰衣舞恨長不知坐中客若箇是盧郎

贈虛中上人

歸去東林寺行循曲澗流餘燈因佛在宿飯為猿留竹
屋烟迎夕菱池雨送秋還叅衆師舊一々話曾遊

送江教諭

湖海相知少風塵送客初歸愁江雨積別意柳條疎楓
落迎船葉鱸香出水魚吳興尚文物吾道近何如

送烏程馮明府

夙負親人術初當出宰年青山依縣郭春雨傍湖田鳥
下鳴琴後花飛判筆前民風非復古重作諭蒙篇

濯清軒

春草綠芳洲清江遠舍流芹香低渚燕波影媚沙鷗風
帶初聞笛花藏罷釣舟滄浪千古意何處問巢由

雪上逢董莊

董吳城北郭故鄰

五月茗溪道南風暑氣新
偶當為客日翻比在鄉親
醉酒橋邊市驅車陌上塵
行藏不須問同是布衣人

賦得廣文舍贈李文學

地與齋宮接門臨泮水開
廣文騎馬到司業送錢來
芹向春時采槐多亂後栽
無羶不須嘆相遇且啣盃

悼陸廷臣

溪館相逢日荒山獨吊時
文章傳舊業泉石負幽期
反隕慈親淚空遺幼女悲
交游今滿眼題墓欲煩誰

楊進士載酒亭卷

亭基久蕪沒湖上幾斜曛
舊夢通魚鳥餘情付水雲
客

過曾問字詩罷憶書裙待得重歸隱春風此訪君

秋晚次高推官韻

溪樓成晚眺沙浦粲孤霞
值節長為客逢人即話家
荒山惟去鳥落木見棲鴉
莫謾嗟零落吾生豈繫瓜

送客

津亭鳴鼓罷行色柳先知
酒到聽歌歇詩因戀別遲
亂山投驛晚疋馬扣門時
草檄軍中事多因載筆隨

立秋夜同社書記李逸人寓宿分韻得霜字

今夕秋風至相逢酒一觴
身雖俱在客情得是同鄉密
竹先驚雨輕梧不待霜
那知千里外復此話連床

秦淮客舍除夕呈大兄

兄弟喜連床燈前話故鄉年隨窓雪盡夜入酒盃長暫
得歡情合都将客况忘何如共歸去爛醉北城傍

戊申正月試筆

佳氣麗層城龍河溢曉清市橋緹騎集巷陌寶車行柳
上春多思蘭心雪有情風光省更好底事客愁生

次韻楊孟載感故園池閣四首

草閣開清曉鈎簾爽氣通綠蒲藏藥裹文符縛詩筒鹽
手纔臨澗梳頭得面風此時應待暇行繞碧梧桐

草閣開清晝官閑過客多枕材便礮石酒具給池荷蕉
長宜聽雨萍交不見波此時情爛熳歌詠復如何

草閣開清晚涼生自有期菊因風始護竹待雨方移妓

進調成瑟童收奕罷棋此時盃酒裏明月是相知
草閣開清夜垂々星斗零水蒲藏白小露草宿蜻蜓文
梓裁憑几生綃畫卧屏此時涼似水看子拾流螢

茅堂

茅堂近曲岡門巷草萊長病力晨春怯詩情午睡妨相
過皆故友忘却在他鄉炎夏愁早濕時時理藥囊

獨坐懷鄉中友人

獨坐荒山暮相親是酒盃人從鄉裏別秋在客中來倦
鳥須更去幽花次第開離心自多感不為歲時催

挽郭秉心都事

謫居欣與識死別忽成悲客館存虛位行囊只舊詩鄉

人收骨壘館僕報家知惆悵平生淚因君更復垂

趙曹莫三助教留宿南齋

南齋涼意足夜景滿柴關隣友將茶送山人酌酒還星
垂雲影外螢出桂陰間相值艱難日諸君豈易閑

次韻別方貞外

暫來因復去不得久相同身在匆匆裏年過袞中吟
斜寒寺日望斷暮天鴻料我還山後相思只向東

送潘士謙歸廬州省親

微名雖不偶且得奉慈親為客達多難還鄉有幾人
鳶江郭雨桑棗楚郊春此去尋閭里俱非舊識隣

賦荷送陳進士啟

團團初貼水萋萋漸盈塘微動知魚戲斜披見鷺藏幅
裁中學製蒲泛酒移香折得同青蓋貽君障夕陽

賦陌上車送穆德敬

徒旅候鷄鳴驅車陌上行蓋當寒樹隱鐸應曉風清軋
軋趨前坂遙遙計後程双輪日千轉未足比離情

送王貞外歸太原省墓

聖主頒恩寵卽官賜誥還人瞻新騎從馬識舊家山古
墓原花裏高墳隴樹間遙知心戀闕夜夜夢朝班

送魯伯滋赴西河將幕

上將初分閫儒官解習兵風旗春獵野雪帳夜歸營洸
水從岷下祁山入壠平知公能載筆草檄報邊聲

送澄上人南遊

雲水三千里江湖二十年春風投海國落日上吳船木
鉢家家飯蒲團處處禪石橋元有路只在暮鐘邊

送朱知事

惆悵官亭酒如何送客頻水烟漁市晚花氣野橋春小
騎行沙健輕衫映柳新尊前莫催別明日異鄉人

送王越

客鄉還送客况是暮春時雨濕花飛重川長鳥度遲酒
尊歌後歇帆影望中移惆悵東風絮飄零不受吹

別楊三兄弟

隣君好兄弟留宿喜相親鄰寺鐘聞早風窓燭剪頻共

傾今夜酒同是異鄉人莫謂相知少交情久見真

荅山西楊孟載憲副

小雨晚晴天新涼欲早眠緣慳盃酒裏愁入鬢絲邊北
地先聞鴈西林已罷蟬懸知相憶處千里共嬋娟

歲晚

客途逢歲晚落日倦登臨絕山川恨艱難父子心江
吞吳地盡天入楚雲深近報王師捷悲懽不自禁

題得飛雲送劉提司勝

天濶浮雲遠因風捲白衣流陰蕪水淨寒影度江微不
受歌聲追先將別思飛飄揚隨去馬今夕定何依

逢俠客

由來燕趙士意氣負平生買妓千金醉平戎一劍行君
王曾錫寵賓客盡知名今日袂邪道相逢重結盟

五言排律

題王材東里草堂

移家遂成隱結屋澗東隈野客分茶送隣舟載鶴來雲
埋琴薦冷風捲壁衣開晚餉磯頭飯秋吟竹下杯余生
慕幽賞到此每遲回

送人之吳江

垂虹橋下路此地隔江湖沙樹應多橘寒魚半是鱸風
將菱唱遠舟帶夕陽孤離別琴三疊悲歡酒一壺不堪
憶君處烟雨滿秋蕪

送趙克常歸楚

避地吳門久還鄉楚郡遙
開田仍負耒賣藥每携瓢
夢逐歸雲度心同去旆迢
到依魚市住飲赴里人招
海色霞生島江聲雨送潮
不堪先隴上松栢半蕭條

賦得石井贈虎丘蟾書記

來欵生公室因尋陸羽泉
虛泓雲液淨陰甃土花圓
竹引歸香積瓶分供法筵
虎跑晴見跡龍伏暖浮涎
錫影孤亭日茶香小竈烟
師心如定水應悟趙州禪

賦鉢送僧道衍

舊日天王獻初因佛祖傳
藏龍元有法乞米但隨緣
不受蕭郎擊寧求魏后憐
托歸村口寺洗傍石根泉
此去

留香積當參飽飯禪

訪衍上人不值次壁間韻

僧院深無地清幽慰客心
衆山同晚色孤墅肅秋陰
托興詩頗賦論情酒罷斟
開簾知樹杪過竹是溪潄
雲靜明遙望猿哀續短吟
秋風空返棹偶此記登臨

送張明府

每喜論文久那堪又送行
壺深淹別酒歌短促離程
水驛孤臨渡寒山半隱城
潮生知海近木落見秋清
明日車塵下應看父老迎

送王主簿

路從茗水去萬壑更千岩
孤驛愁將別離杯惜重銜
鶯

聲賡妓曲柳色學朝衫
烟淡綠汀草風將向浦
帆明朝憶君處江上雨
寥寥

賦橡斗林韻得車字送朱別駕

栩林前代植第宅昔人居
高蔭猶臨野幽叢獨吐墟
花開當夏密子熟過林踈
探處惟來鳥妝時得賦狙
雲霄千尺近雨露百年餘
偶為登臨到因懷別駕車

陪牛進士馮明府宿遂初庵得心字

山中因訪古方外遂幽尋
曲徑緣迴澗高標出亂岑
舍舟留北渚借屐過東林
野色兼寒色雲陰助夕陰
烟波皆客意猿鳥共閑心
風引虛林磬泉流別院琴
褰帷蘿蔓入掃壁土苔侵
花韻空禪性松聲學梵音
翻經仍用

貝布地不須金小舞塔前鶴微鳴柳外禽鴉昏爭亂集
蛩冷罷孤吟樹影分憐屋秋聲急暮砧平蕪供眺望密
雨值登臨景勝驅塵想形忘澹素襟几筵寒閣靜燈燭
夜窓深肯蓄僧開供芳醪客自斟黃柑來野市紫鱗出
溪淥契合元非舊情親已獨欽知師甘寂靜愧我嘆浮
沉明日天涯去何時重盍簪

開言夏寒下舞出林松然與軒來鳥林都對想且雲
林林雨內蘇菜字音入高菊齋謝理德業謝出
謝家德山土雨雲
謝家德山土雨雲
謝家德山土雨雲

北郭集卷之六

北郭集卷之七

七言律

吳郡徐賁幼文著

寄周記室履道

湖波遙帶夕陽低，想得君家住更西。
隔岸衆山晴稍出，當門幽鳥晚猶啼。
酒緣客裏偏能飲，詩到愁邊只謾題。
欲倩歸雲寄離思，如何却向望中迷。

次高二季迪留別韻婁江東館

柴門村徑帶溪橋，來往因君豈憚遙。
淺水不波仍漾漾，疎林無雨自蕭蕭。
檣留夕照人將別，江作新寒酒易消。
明日秋風重悵望，還將離思託歸潮。

送張山人還天平

幾欲求田負舊盟，羨君西崦草堂成。
每緣種橘多開地，獨為修琴始到城。
黃葉已先霜降落，白雲長在雨餘生。
龍門林屋無多遠，此去尋幽莫計程。

晚過廣福精舍訪傳上人

水陰山色晚依微，松映禪房竹映扉。
幽鳥不緣留客語，閑僧方自施經歸。
移來片石安茶器，分得孤雲補衲衣。
杖屨不嫌頻過共，道心久與世相違。

贈醫士呂彥倫和王原吉韻

橘花開處杏陰青，百草吹香覺地靈。
貧士願留賒藥券，故人思讀衛生經。
玄霜玉臼晴猶濕，華月丹房夜不高。
張緒苦吟仍病肺，乞和熊膽護脩齡。

送馬敬常縣丞

得南字

樓倚層城擁翠嵐，登高送別思那堪。
雙溪到郡同流北，千嶂連關盡向南。
澹澹水陰雲度渚，蕭蕭荷響雨鳴潭。
尋常不醉臨歧酒，今日因君飲易酣。

待董彥正文學次王守敬主簿韻

旅館江湖苦往來，那堪時節併相催。
雪當臘盡寒纔見，梅在春前凍未開。
野客過期空具黍，山童不語訝停盃。
相思獨坐寒齋晚，禁得邊城鼓角哀。

許將軍墓

鄉人傳有漢將軍，南郭橋邊是故墳。
印出土中存舊字，碑殘火後失全文。
旗捲虎牙空落木，劍埋龍氣只寒雲。

當時祕器多榮賜，功業于今恨不聞。

病中寄北郭諸友

病中長日唯思睡，家僻因憐寢舍幽。
山暗園林多夏蝶，樹荒城郭少晴鳩。
藥囊臥具聊重整，酒債詩緣得暫休。
却憶故人居咫尺，可能相過慰深愁。

送金子肅

客中相見客中憐，江海知名記十年。
歸路正當歸鴈後，送君却在送春前。
迢迢烟水分行棹，浩浩鶯花共別筵。
自信平生足遊賞，看山重約豈無緣。

夜坐次張士行太常韻

練衣入夜更蕭騷，草暗閑堦露漸凋。
青鳥音書雲外至，

素娥環珮月中搖醉來猶記題羅扇夢去曾教听玉簫
獨坐無端思往事秋風客館正寥

峯高李迪期遊雲岩

山中風景綠陰時但得閑行莫恨遲啼鳥猶能知勸酒
餘花應是待題詩且將盡日酬登覽况值頻年在亂離
晴雨明朝那可定故人何用預相期

丁未六月廿八夜作

西風作雨又仍休臥起園齋夜更幽天黑露華涼不下
雲踈河影淡還流陰蟲齊響渾忘夏落葉頻飄預報秋
亂後俄驚時節異却將何計為消憂

瓊姬墓

館娃宮裡已堪愁，况是泉臺闕小丘。
月冷寶奩無復曉，地空玉鴈不知秋。
蘿間舊屋僧來住，竹下新亭客過遊。
不有佳名留郡志，誰能識此為停舟。

同高季迪過東丘蘭若訪呂志學

路入斜塘始泊舟，喜同故友訪東丘。
知君暫寓當幽寺，念我纔歸自遠州。
水好高帆沙浦月，烟中餘稻墓田秋。
臨尊何用多悲感，今日相看尚黑頭。

送袁伯貞之湖廣

尋常送別自堪憐，君去那能不悵然。
客路有蘭知楚地，驛亭多雨憶吳天。
離鴻一、風掃外寒水程，雪嶂前
後夜相思千里，隔江鄉梅柳是新年。

過俞幻聞故居

水南別業遠無隣我獨重來是故人
經榻香燈非舊火
禪房花木自新春
傳心曾嗣高僧法
画影空留居士身
宋滅不知何可樂
凡情未免為沾巾

過姚大臨寓所

客屋龍井古庄前
兵後人家幾變遷
亂世昔來求避地
故鄉今想賦歸田
曾邀霽月看花夜
憶別春風禁酒年
此日重過誰候我
寒烟衰草却留連

南園廢宅

桂堂傾圮藕池枯
舊迹新移路轉迂
射圃春風誰走馬
歌臺夜月自啼烏
看花尚有閑人到
索酒今無醉客呼

多少侯家盡消廢如何來此獨踟躕

張叔芳南澗草堂

浴鵝灣頭舊隱居五峰秀色在庭除
山田曾種仙家玉石室猶藏外史書
雨足澗聲春漲風平柳影月踈
百年文物惟君在結構重來是亂餘

鄭靜思少監山莊

秘書解綬還山日移得全家住白雲
閑裡樵漁教子習老耒藥茗賴僧分
雙巖樹合千層綠百嶂霞明五色文
此去石橋原不遠鐘聲只在座中聞

寄衍斯道上人

已知出世萬緣空誰謂詩窮道亦窮
雙履徧行黃葉雨

三衣獨坐碧蘿風，荒山泉石皆兵後。
古室香煙自定中，愧我遠歸千里客。
投閒未得與師同。

次韻荅陳文度

亂餘得返故鄉居，正謂光生腐草餘。
閱已欲憑誰作賦，絕交寧許我為書。
行看殘菊知身老，坐對寒鴉愧髮疎。
唯擬求田成隱計，天於此意可教如。

病中寄高季迪

一榻高眠薜荔間，閉門瘦減鏡中顏。
亂來難免心多慮，病久番令夢得閑。
疎雨林花春落競，斜風菜燕晚飛還。
藥爐應候呼兒煮，此外升沈總不關。

錢氏池園燕集得春字

幸存萬死一吟身
燕賞良時豈厭頻
開到揀花風乍暖
啼殘桑扈雨辭春
清樽偏解歌愁客
短髮空慙對故人
經此亂離今得見
論情便覺轉相親

陳允中亂後歸故隴管居見寄奉答

萬事由來信有天
癯儒只合住林泉
藏書自構山中屋
束帶仍耕墓下田
但對老農談亦好
何須漂母識為賢
壯年未斷人間世
且盡平生嫁娶緣

訪馮信卿縣令

來覓幽蹤野水邊
荒村樹裡起新烟
梨花蕭寺哦詩處
春水平湖把酒前
念我身經遷逐在
喜君家值亂離全
當時悵望天涯外
今日翻思始惘然

次韻金子肅卜居

君家茅屋去村西地接湖渠水上畦
黃菊遍生風掩戶
綠萱新長雪消泥酒香門客船中送詩好隣僧院裏題
誰道亂離無樂土此鄉還自有安棲

次韻答馮信卿見寄

自愧才疎老澗濱此身非是避風塵
長貧為讀蔬經熟
多病應同藥果親僧惠竹枝輕作杖客分荷葉小裁巾
故人眼底惟君在深喜書來問我頻

寄鄴尚德王汝器

塵世閑身遂兩違扁舟應是入城稀
看花雨裏宜高履
穫稻霜餘或短衣玄鳥年、依屋住白鷗日、送門飛

北集卷七
尋君不用重相問梅子林西竹下葬

哭韓景華教諭

命終萬事亦徒然
幸苦微名五十年
頭白尚嗟彈有缺
家貧信是坐無鐱
梨花寒食新墳上
楊葉秋風舊宅前
兩處經過皆草草
一杯未得酌重泉

送王守敬歸淮南

大江北望渺煙波
君及歸時柰別何
詩卷自添新賦咏
客程還歷舊經過
芙蓉浦裏人家少
魚米鄉中估舶多
謾有一尊相對飲
秋風又起棹郎歌

次韻高季迪喜予北歸相訪江渚之作

客裏頻思大樹村
歸來還喜舊情存
十年夢寐憑詩寄

千里風霜藉酒論江上衣裳冬倍冷竹間窓戶晝猶昏
迄今會別非遐遠不學梅花易斷魂

遊張林山在甫里

偶為尋花到竹西兩山雲氣接高低午煙僧舍林塘
春野人家草樹齊水鶴晴時行麥壠園蜂暖處識蘭畦
自憐遠地歸來後纔是登臨便感悽

雙頭菊為周孟瞻昆仲賦

籬落花開並蒂黃相依不是競秋光情親共冒重陽雨
志傲同凌十月霜莫道寒英為獨秀須知晚節有聯芳
譜中異品誰能及只合題名作棣棠

寄渭僧清遠

自喜幽居接上方風煙野墅共相望
禪邊梅老知僧臘
經裏蓮芳悟性香石為彈琴曾作薦
屋緣藏茗別開房
日長何處堪消暑欲借山中竹下涼

山閣夜坐

山閣巖巖俯下方望來暝色向蒼茫
岡巒暗失高低勢
星斗平垂遠近光棲鳥鳴雞經火亂
踈松修竹引流長
相期白日重登此要及春時覽衆芳

樂善庵訪張山人不遇

欲使餘生得遂閒重來林下扣禪關
惟聞澗鳥時鳴澗
却訝山人復出山雨草漸荒幽徑裏
風泉仍響古松間
自將吟咏酬終日拚取扁舟載月還

浩師房別李伯章

君今初到，我將還離。合都送一夕，問草、歡情、燈下酒。
悠悠去夢，月中山秋。堂鐘靜，催禪定，寒榻香來伴客閑。
莫惟相逢，論行樂，忙年無幾，髮成斑。

送珣楚山還廣濟

一來說法，眾皈依。雲水無心，又復歸處。逢僧留半偈。
時、禮佛、備三衣。齋筵赴徧人緣。喜淨業修多世，懃違。
雞單山前明月夜。家徒相候，啓禪扉。

寄蔣道士

雲鶴飄然去，莫親還家。猶似異鄉。負已知靜樂，軒中夢。
無復玄都觀。裡春綠。簡盡編吟。後稿朱符長佩。病餘身。

近聞劍跡投岩壑終作人間避世人

送重衲住武康楊庵

和王功業太常書額賜禪官表墓壙香炷四時同佛供
松風百嶂有僧居鼓鐘聲隱高秋外樓閣名存劫火餘
此去封禺山色遠佇看一錫度空虛

崑山道中

鴻鴈天寒儔侶稀秋風遠客獨思歸碧山盡處雲相續
白水明邊鷺自飛漠漠蘆花迷望眼蕭蕭荷葉慘征衣
此行賴共知心語一棹夷猶竟落暉

登崑山次易九成諸友韻

故舊相違西復東登臨偶得此時同鐘聲響落松陰外

帆影來迢海氣中山
鬼洞寒銷劫火石僧龕
古閉香風可憐節
屆重陽近斜日
秒明萬葉紅

次韻高翰林啓喜予見過之作

相逢已似恨來遲
況是秋風欲盡時
念我身便林下服
喜君家富篋中詩
清江杳杳曾行路
黃柳蕭蕭舊折枝
無限尊前雲共鳥
應知此處感離思

和楊儀曹基舟次邵白懷寄

了無得失歎雞蟲
南北驅馳數載中
奉使子諳天遠近
居閑我識灑西東
畫船湖渚高郵驛
茅屋江鄉短褐風
何日歸來讓玉里
雲山談笑一尊同

道場山寺

景物淒涼異昔年
佛宮草樹暗荒烟
千盤日色峰頭轉
百道泉聲石上懸
覺鳥有時酬客語
慈雲何處伴僧禪
莫言櫻閣成空想
地脉山靈亦變遷

重遊道場

路入千峰石磴危
經臺香閣但餘基
僧從離亂居山少
客為登臨出寺遲
伏膺已無岩下錫
放魚室有竹邊池
曾聞至治承平日
簫鼓春風過六時

送彭伯忻僉憲赴河南題画

戴筆同趨侍從班
曾將翰墨動龍顏
綉衣又向河南去
玉節新從海上還
千里舟航通洛水
中原文物上夷山
當時不得相追餞
謾寄離情畫軸間

贈隱者次毛伯讓韻

歸隱柴桑計已成，行歌曳履作高聲。
朝廷有詔徵遺逸，刺史無人識姓名。
山鳥下階窺飲器，野猿移石寘棋枰。
西風茅屋年年捲，惟有黃花不世情。

贈趙安道

偶為行春此訪君，山園野墅宿晴雲。
藥田鶴守畊相候，隣屋茶香飲見分。
林下看花多是杏，溪邊拾草始知芸。
每聞拚醉消長日，誰復來題白練裙。

春宮詞

沉：別院語流鶯，驚斷春風夢裏情。
坐試舞衣因力倦，起臨粧鏡覺愁生。
餘香細拂芙蓉帳，小燕頻窺翡翠旌。

不意中官傳喚急待朝得與殿頭行

藏春軒

溪上幽居小逕斜柳垣長日護春華時清燕無非酒
處閑行總是花自有軒窗留景物肯教蜂蝶過隣家
桃情杏思渾忘却回首東風不用嗟

題胡玄素畫山居圖

幾度尋幽到澗阿荒谿峻嶺入烟蘿白雲九曲人家少
黃葉千林虎跡多試茗就當泉上飲看花須向酒邊歌
相逢重憶山中客獨對新圖奈別何

九月十六日陳逸人旭訪余蜀山中明日將還
武唐因賦此送別 仲昇

門掩荒山萬木空，獨憐遠客此相同。
黃花興減重陽後，白髮愁多暮雨中。
雙劍不緣悲異國，一杯未易醉西風。
明朝離思知何處，秋水遙天有去鴻。

寄王校書止仲

他鄉每憶故鄉雲，此日還山又憶君。
菊老豈堪秋後采，猿啼猶侶客中聞。
風帆漁艇行無次，野水寒烟去莫分。
不是題詩不相寄，孤鴻也自念離群。

園隱圖送方以常

曾聞學圃成高隱，今日携書是宦遊。
隔屋尚通分溜竇，傍溪空覓看花舟。
菘蕨盡作隣僧供，芋栗還憑野老收。
後夜月明江上夢，應隨歸鶴到林丘。

題宋叅政記事狀後

江湖開老七朝臣
聖主臨軒屬問頻
殿陛屢曾聽曳履
都門誰復繼埋輪
拜官南省推功舊
被寵東宮賜翰新
豈料賢郎歸第日
上尊空酌九原塵

送王架閣南歸

惟賢

蘭橈暫駐酒停斟
隔浦誰歌送別吟
歸鴈不隨南去客
飛雲猶載北來心
野梅官柳愁相映
暮雨春江思共深
想得慈親倚門久
逢山逢水莫登臨

白塔懷古

荒山欲逐鳳飛騫
誰構浮屠壓寢園
土厚尚封南渡骨
月明不照北歸魂
海門有路雙龍去
沙磧無潮萬馬屯

莫向秋風重悵望
梵王宮殿易黃昏

江西途中寄吳城北郭王李諸友

雨晴沙渚片帆開
葭飛花鴈叫哀
千里有情思北郭
半年無夢落南臺
山遮故國層層出
雲押長江片片來
可是宦途吟思惡
強憑尺牘浼清才

題彭江

遠水殘陽落釣舟
遠村漸見野烟收
菱歌歸浦家家夕
楊葉驚風樹樹秋
昨日夢非今日夢
他鄉愁是故鄉愁
自憐久負山中桂
每向江湖憶舊丘

登廣州城樓

五嶺南來瘴海深
秋風榕葉尚陰陰
安期一去家遺鳥

陸賈重來橐有金，門限虎頭潮。上下城開，鴈翅客登臨。
清時不用頻興感，萬里惟存向闕心。

送日本僧

萬里扶桑曉色微，海天空濶去人稀。木杯不用隨潮度，
金策惟應向日飛。去路猶飡中土飯，到家重着故鄉衣。
國人應問如來法，帶取西天貝葉歸。

答故人楊憲副孟載

憶在并州喜合并，別來兩見歲華更。自知詩裏閑情少，
頓覺樽前老態生。乘棗誰家非樂土，雲沙何處是邊城。
懷君幾度頻登覽，寒日千山雪正晴。

北郭集卷之七



北郭集卷之八

五言絕句

吳郡

徐

賁

幼文

著

題坦率子畫

林屋悶烟蘿歸樵已罷歌獨吟斜日裏誰復此相過

送呂庸南

雪色上征衣雲沙鴈自飛去家千萬里只解送人歸

萱草

翠葉春初解香苞曉尚含東風生百草何尔獨宜男

次衍師韻

偶因故人留不遂林下期遙知看月處為我立多時

送王七隅入郭

江雲載客愁江色未分曙君若回首時莫忘別離處

懷王介休

花落又花開思君酒一杯故山千萬點長向夕陽來

題畫別董仲惠

鳥啼溪上雨風碎竹間雲明日東湖上看山又憶君

客夜

客舍卧常早茶餘人各歸獨有榻前燭猶能照解衣
新月出易沒殘葉墜還鳴客中自無寐元不為秋聲

庚戌歲元日立春

首祚欣茲踐新年喜併回簇絲分細菜剪勝學蟠梅
宜春新燕帖正旦頌椒花樂遇重熙日東風改歲華

元宵遇雨

萬燈明不夜，鼓吹匝鰲山。
一雨妬城郭，人面盡赧顏。

題畫

嶼鳥鳴孤影，汀蘋淡素香。
曉來江上樹，葉葉是新霜。
隔浦秋鴻小，當江夕照空。
扁舟不覺重，却載荻花風。
路入桃源近，門藏竹戶深。
孤雲同隱迹，老鶴識閑心。

六言絕句

徐山人畊漁軒

荷鋪隴頭春，雨鳴榔浦口。
黃昏誰道南陽渭，水不侶祠
江鹿門。

題畫

北集卷八
二
樵林夜鳴楓葉僧扉寒掩烟蘿夢裏秋山十二不知何
處雲多

竹外閑扉半掩沙邊小徑斜通流水連朝春雨飛花昨
夜東風

偶過隣家看竹因來僧寺彈琴寒日山川易脫歸時門
掩松陰

雨後山青雲白林深路轉溪迴野客艤舟相待家僮沽
酒方來

春江送別圖送松江王尹

行李一琴一鶴扁舟千水千山空醉驛亭官酒春風不
解離顏

草色東西客路江聲早晚春潮別後思君何處鳴禽踈
雨蘭茗

寫意

看山看水獨坐聽風聽雨高眠客去客來日々花開花
落年々

咏情

燕子樓頭初月桃花門外春風腸斷琵琶絃裏愁多懊
惱歌中

記夢

夢裏綠陰幽草畫中春水人家昨夜紗窓細雨銀燈獨
照梨花

北郭集卷八
送別沈德虔

江聲千里萬里客路長
亭短亭後夜相思何處
蘆花明月沙汀

墨梅

月落山空人靜夢斷碧窓烟冷
暗香何處銷沉留得一梢寒影
素質却嫌脂粉蛾眉淡掃玄霜
翰墨玉堂曾侍硯池猶染餘香

北郭集卷之八

北郭集卷之九

七言絕句

吳郡徐賁幼文著

江邊秋柳

畫船憶得渡江濱
柳色風光爛漫春
今日霜條看漸短
也知不是為行人

陸雲

入洛徒聞擅美談
諸王正尔恨相銜
獨憐蔡克頗垂淚
難洗當時孟玖讒

婕妤怨

釋罪猶能得賜金
弃捐誠不是君心
重來莫負秋風扇
若在昭陽怨更深

春懷次韻楊署令

長把新詩花下吟
看花誰念少年心
今朝獨到西園裏
杏色桃花懊惱深

柳條處處綠毵毵
只在離亭便不堪
幾度看花并送客
暖風晴雨到江南

有約看杏花
荅高季迪

雨阻花期可便休
明朝也合為春遊
閑行若待天晴去
只恐花飛人又愁

九月八日菊同高季迪賦

黃菊移來雨後新
含香斂色待芳晨
今朝相對誰憐我
明日來看賸有人

穉中插黃白紅菊花

淺白深紅間淡黃重陽已過尚聯芳莫因顏色分花品
同是秋風一樣香

咏芙蓉送朱仲垣歸越

雨晴送客柳塘西野水芙蓉滿大堤一路看花何處好
樓船直到若耶溪

次韻荅王七隅

處處斜陽木葉飛秋風偏在路人衣相逢莫問離家日
燕子初來今又歸

舟中聞歌呈張文學

水郭春寒雨渺茫歌聲何短意何長隣舟多少南行客

若个聽來不斷腸

閑行

一作題張靜居畫

草香樵徑多晴蝶
桑老人家有夏蚕
信道綠陰時節好
閑從山北過山南
綠樹黃鸝處處山
偶從溪上看雲還
人生未許全無事
纔得登臨便是閑

夜坐

夜靜謳聲隔浦聽
西岩孤絕障秋冥
扁舟獨坐湖天闊
疊々風漪淡々星

詠三蟲

龍舟一去汴河東
空吐餘光表寸衷
此夜不堪秋寂寞

景陽宮闕又西風

右螢

花開心事已蹉跎每怨春多恨轉多賴有黃花相慰籍

不知風雨又如何

右蝶

愁斷齊奴一寸心誰知青女怨猶深長吟莫戀宮前柳

黃葉秋風自不禁

右蟬

野亭讀書圖

書聲流水共泠泠落木寒山路隔汀不是秋來易傷感
夕陽風景似新亭

水仙梅花

每憶松林月下人却隨遊女漢江濱陳玉若作羅浮夢
不獨當時賦洛神

菊竹梅竹

綠竹黃花共一叢
楚江日照自秋風
屈原放逐娥皇杳
千古離愁此日同

梅花澹々自開殘
水國春逢雪未乾
不有竹枝相倚並
如何禁得許多寒

畫馬

拳毛零落暗塵埃
何似春風立仗回
當日外番初進奉
不知傳勅賜誰來

親曾調馬動天顏
看遍東風十二閑
今日駕真圖畫裏
一雙龍駿在人間

立仗歸來出御堤
圍官為解錦障泥
春流芳草無人渡

得向東風自在嘶

雨後慰池上芙蓉

池上新晴偶獨過芙蓉寂寞照寒波相看莫厭秋情薄
若在春風怨更多

雨館有述

滿磯秋葉草堂閑宵、飛鴻淡々山風雨不堪空對酒
家童偏喜得魚還

贈陳相士電岩

驢背西風兩鬢寒老懷頻藉酒盃寬道傍亦有新豐客
醉裏逢人莫易看

送客至東遷精舍次董著作韻

竹邊僧舍柳邊池誰道秋風此別離
今夕扁舟聞鴈處一燈應讀卷中詩

題亡友葉梓素所作山水楚材

任昉臺前記別離闔閭城外哭君時
今朝孤館看圖畫萬水千山不盡思

石屏

白鶴山中采石歸綺雲翠雨滿春衣
補天千古無遺法我欲因君問女希

烟柳

烟中柳色重還輕髮髻時聞百轉鶯
看處不須重悵恨若教含雨更傷情

壺中緋碧桃花碧謝以梨花補之賦以慰緋桃
唯擬春深相並開如何先自委蒼苔憑君不用多愁怨
又有梨花作伴來

晚尋王隅隱居

君住湖南水竹深夕陽孤棹此相尋子規啼散門前柳
漠漠春光淡々陰

雨中

看花長是惱離心欲看無花思更深惆悵西園桃杏樹
花開多半在春陰

午日西菴雨中對榴花

麥寒已過又梅寒此日端陽獨倚欄誰道榴花能照眼

斜風小雨不禁看

折花背立二美人圖

女伴今朝出較遲
獨來園裏候多時
對花可是無言說
懊恨春風許自知
綉罷春衫出閣遲
辛夷花下立多時
內園且是無人到
不省含羞怕見誰

和楊署令襍詩

微燄還憑腐草生
拂幃透隙似含情
竹風池上雖多見
不及房中照獨明

右寢齋螢火

圓網纒虧補又完
幾迴費力繞簷端
只愁明日風和雨
未信當空住得安

右蜘蛛補網

荅楊署令送菜

隙地知君手自栽，紺芽紅甲雨中開。
閑居我亦清齋久，肯折新葵為送來。

回文次孟載韻

秋風晚靜水花紅，葉落閑堦滿院空。
樓映月低人寂寂，愁多怕見獨飛鴻。

兵婦歸七日夫卒，乃抱骨赴水，逸其姓名，因為

之賦

托身未穩，忽成空。恩愛都來，七日中不遣此身隨骨去。
人間水底更誰同。

題張來儀懷友詩後

亂前草、別相知亂後風光不盡思惟我與君今日見
不堪來讀卷中詩

重讀潯陽懷友詩衆中多是我相知秋風落木鄉園外
可有人能為我思

答高李迪酒醒聞雨

高城月黑罷鳴笳寢舍風多燭易斜醉裏歸來忘夜半
雨中驚不似山家

江郭多陰暑到遲夜涼孤枕怯踈帷聽風聽雨尋常慣
不似今朝醉醒時

答張來儀見慰喪子順哥

至正丁未八月廿三

每憶當年夢白炊如今又賦杏傷詩衆中獨有君相念

知得君曾有此悲

訪柱上人

經院深之久護烟雨中藥草午凉天古香室裏人重到
恰似秋風五日前

次韻感偶

三首

新浴蘭湯重理粧珮聲隱約碧羅裳尋常不為春風妬
誰信相逢也斷腸

意中已解眼中憐誰道後前不有緣可惜花時正風雨
相逢只為在樓前

翠袖寒禁夢裏秋玉容不解舊風流誰知獨客深無意
珍重蕭娘莫浪愁

六月見榴花

絳英綠葉開炎光艷色無多出女牆欲借一枝來照眼
看時恨不在端陽

折蓮子呈孟載

落盡紅衣見綠房折來猶帶水雲香柔絲零落芳心苦
未及秋風已斷腸

棄瓢卧雪 二圖

魯謝人間軒冕榮一瓢何足累高情已知喧寂相忘久
棄擲元非為有聲

空林有雪人猶卧破屋無烟門未開多少洛陽城裏客
如何縣令獨能來

慰吳允堅喪妾

腸斷琵琶曲裏聲
綠雲天遠不勝情
歸家玉板休輕觸
鸚鵡能呼舊日名

登東臯亭荅季迪

夕陽亭上共題詩
却憶西行獨咏時
不但寒雲與寒水
楚天無物不成思

東丘蘭若枇杷花

梅未含英菊罷花
眼中無物屬詩家
忽來僧舍聞香住
却見花開是枇杷

登白蓮寺閣和彥正季迪見懷

遠煩二子念離深
江閣斜陽每對吟
豈料詩中千里客

也能來此共登臨

贈杜彥正兒端端

新詩誦得客聽歡
躰弱尊前學拜難
眉目清妍宛如畫
佳名只合叫端端

見端端有感因呈彥正

貧賤憐君總不知
膝前且得弄佳兒
我來一見偏傷感
千里還官看有誰

江上偶見

潮滿江沙起鷺鷥
雪花淡々乍寒時
紅衣女子搖船去
唱得新聲似竹枝

贈高季迪幼女定兒

紅衣穿小與身宜對鏡嬌痴學畫眉憐愛莫教看作女
慰人猶勝似無兒

夜卧聞隣家酒聲呈李迪

雨響槽床滴夜長重門雖閉四隣香近來不是忘醒酒
也學東家吏却郎

同李迪宿丁至剛南軒

踈樹寒蕉綠繞池夜涼雨到便先知我家路遠君家近
能不開懷在此時

黃德讓病後苦吟因賦詩以釋之

不廢詩篇病後身思花懷月亦勞神憑君暫歌行吟興
藥具方書正可親

過寧真道觀

處、園亭閉不開
殘筠荒樹總堪哀
閑時好在誰家坐
只向寧真觀裏來

聽歌

終得聽歌便淚垂
眼前不似舊聽時
青春多半遭離亂
白髮能消幾度悲

西岩漁翁圖

雲水平生一釣綸
扁舟來往楚江濱
自燒綠竹炊新飯
誰道烟消不見人

寒食前三日適桐里見梨花

清江行盡有人家
汨、春流漲煖沙
已自深忘寒食節

無因此地見梨花

聞鳩

看花幾日喜春晴
布谷無端喚雨鳴
何處聽來最傷感
荒村樹裏兩三聲

東軒芍藥盛開兩日雨阻未得觀及往零落因
惋惜賦之

看栽紅藥向東闌
及到開時未暇觀
今日雨晴重過此
淺紅深紫已凋殘

春暮見山茶有感

宮彩凝脂竹外栽
繁華曾見雪中開
一枝自有相憐意
畱向春深待我來

次韻看花

四首

數點飛花覆短莎
風光初暖已勝羅
連朝不向東園去
紅漸稀疎綠漸多

一枝香雪倚東闌
開過清明半已殘
若到東風無幾日
凋零也作盛時看

柳葉齊舒荻笋長
陌頭無復踏春陽
強將花瓣都收拾
贏得羅衣幾日香

花隨風信應時開
玆重東君巧剪裁
今日看花人賸有
綠陰惟我獨能來

口號

年豐今已見秋成
到處時聞打稻聲
惟底田家秋社裏

賽神猶自卜昇平

圓明寺會宿次韻別吳校書

經榻多餘為我分閑身且得伴孤雲此來已覺心無事
清夜論詩况有君

寄方山人彝

南圃灌園看曉汲東湖開地課春耕一從投刺歸來後
贏得身閑處處行

題謫仙像

鼙鼓聲來已亂離錦袍脫却恨歸遲秋風江上長吟裏
不唱清平古調詞

採藥

香山新參葉長齊雨時來斲破春畦歸來閑向泉頭坐
洗淨山中兩足泥

題呂山人所藏馬孝常周履道荆南唱和集後
故友空悲生死異名州曾托亂離頻因君重讀荆南集
已憶溪山又憶人

時履道沒于兵

送王守敬還淮南

長淮路遠思君久得見還歸更不堪未盡平生山水興
到家應是憶江南

月明聽胡琴

檀板朱絃出研聲停盃齊聽月當楹分明自是涼州曲
不解何人最有情

中秋夜對月有詠 四首

擬將詩酒賞良時久不吟詩思若遲無酒已辜今夜月
如何容得更無詩

吟詩無伴自無情滿院涼風月正明畢竟無詩空懊惱
只將身繞桂花行

幾欲高眠畏夜寒又思月色起來看及來看月翻多感
不似眠時意少安

雲漢微明夕雨餘行吟獨自逸階除今宵若與常年比
月色人心總不如

過王伯時宅

里巷新翻亂後移喜君住處有軒池重來已是三年後

竹樹依然似舊時

寄高偶仲

見說海虞峯畔住禪房鐘磬隔林聞
遙知潭影山光裏能解題詩獨有君

九日過寧真道觀

數叢黃菊遍庭臯不見南山首重搔
日暮忽來真觀坐却從畫裏寄登高

為開元道士題倪雲林畫

聞說仙翁去採真山中草木幾回春
開元堂上重來客猶是當年問道人

十一月一日始見菊花

草：重陽去不知今朝始見菊花枝莫言籬落秋風老
但得來看未是遲

題楊補之十梅

萼綠仙妹粉黛妍靜臨寒碧照婵娟水肌亦是鮫房種
不獨凌波有洛仙

右水

瘦木成陰顫晚風幾隨寒月上簾櫳橫斜何處看偏好
只在清溪淺水中

右影

新花的皜更玲瓏學弄芳妍小礪中凍蝶寒蜂謾相妬
今年絕得試春風

右嫩

六出爭如五出嘉天孫姑射聞矜夸總然玉質都相似
若論生香合讓花

右雪

酒熟山家夢裏逢美人別去月明中醉遺綠帶無人拾
吹上花稍颺曉風

右煙

小店荒籬任意開亂依叢棘半蒼苔春時料有何人折
多是匆匆驛使來

右野

分得湘江數葉秋偶因翠羽寄羅浮相省莫說鸞夢
二女多情自解愁

右竹

或隨流水或隨風一片西飛一片東何似得沾香額上
艷粧猶說壽陽宮

右落

青丸顆顆葉間藏雨綻微酸刺齒香愛護莫教風擺落
墻頭留取擲裴郎

右實

滿樹肥來綻雨紅齒牙偏賤嚼嚙翁詎惟堪止軍前渴

金鼎調元大有功

右酸

題倪雲林竹六首

憶君我有淚淋漓正似湘江雨後枝
記得秋聲夜同聽
消閒館裡對床時

江鄉處處憶陪遊見寫湘雲數葉秋
今日仙魂乘鶴去
猶存遺墨動人愁

春江誰唱竹枝歌春雨蕭蕭傍竹多
欲借琪園一竿玉
桃花磯下釣寒波

出海琅玕翠色新娟娟春雨洗芳塵
夢迴影落虛窓月
却恠毫端寫未真

綺窓晝寂自焚香十日春陰不下堂
幾度吟成微醉後

興來拈筆寫修篁

不見高人倪幼霞
流傳遺墨尚清華
鳳毛零落湘江水
春雨新梢整復斜

雲林画

久約樵翁共結隣
青山如待早歸人
屋西有箇茆亭子
飽听松風起澗濱

雪翁海棠

一枝寫出玉容嬌
桃李漫山恨未消
惆悵東闌明月夜
半酣西子貌難描

北郭集卷之九

北郭集卷之十

七言絕句

吳郡徐賁幼文著

將往吳興徐行正以詩見送奉荅

二首

自喜吟身得自由長尋酒伴與詩儔
閑雲流水平生意何處山中不可留

春前便作訪君期春後纔來信是遲
又復別君湖上去重來應是綠陰時

謝呂山人殊長老送別江南

我自東行君自回清江小艇逐風開
今宵雪屋懸燈坐還復臨樽待我來

次韻別王止仲二首

北集卷十
一度看花一度春東風又過楚江津如何綠水橋頭酒
不醉陽關曲裏人

風之雨之暗消春楊柳官橋夜掩津不是子規啼欲倦
扁舟知有未歸人

次蜀山別韓文學同杜校書記李逸人莊

夕陽野渡人歸後山館南風客到初可恨同來不同去
煩君為寄故鄉書

次韻張文學見招

落葉柴扉晝不開小棧相寄手親裁遙知着屐空山裏
蘿逕孤琴候我來

送呂山人

湖天浩々白雲秋鷗鷺飛邊有去舟行到湖東回首處
春山記取是同遊

送張甘白還吳北郭

桃花飛盡柳花飛三月江南尚臘衣為問東湖雲裏鳥
春風此度送人歸

送呂管勾

客情沙柳共依依隔浦遙山向夕微送別偶當花落後
傷心元不為春歸

山齋圖

秋水柴門竹外開堦前片石是琴臺山中幾夜風連雨
明日還應借屐來

北身卷十
二
西爽樓圖贈王主簿

幾度登臨托遠思
樓中山色意中詩
西風又復來看盡
却憶扁舟送別時

雙溪僧舍聞鶯

綠陰到處有黃鸝
僧院山深客聽遲
獨恨春風容易老
聽時不及在花時

紫菊

東籬嬌艷奪朱濃
淺白深黃盡斂容
只有魏家顏色似
春風秋露不相從

過南垞赴黃德讓招

風暗沙村晚漸平
相邀應得遂閑情
南塘水滿人來少

踈雨寒波一舸行

春日報吳城諸友

小屋林深曲磴幽
鳥情花思兩悠悠
風光滿眼春如許
那得君來此地遊

始聞新蟬

芳草斜陽步遶池
孤蟬忽叫發高枝
去年憶在南山驛
千樹南風亂噪時

四月一日夢孟載自滎陽歸覺後因寄

昨宵兩度夢君歸
相見匆匆語亦稀
聞說歸來秣陵住
未知此信是還非

端午日折榴花與兒升幼女鸞

猩猩血叢之簇絳裙一枝雨裏手親分自知老眼無煩照
乞與鸞之插髮雲

病後行樂至池上

連朝卧病少閑情乍到池邊任意行未信空山人寂寞
綠陰何處不聞鶯

過南山

亂峯幽石遠周迴竹閣蕭然對澗開不與青山有緣者
誰能着屐此中來

允中留宿山齋已而復往令弟允升宅明日賦
詩謝之

別來懷抱事多因草之尊前未易陳既擬相留又還去

也終不侶弟兄親

題會仙圖

春風十二燕瑤臺曾與群仙一見來
別後空山流水裏不知幾度碧桃開

泛南湖有咏

沙樹汀蒲綠雨新湖波搖蕩白鷗春
不須更覓桃源去已是人間避世人

自南塢還蜀山途中有作

行盡千山更有山此身幾日在山間
桃花野水溶之去鷗鳥汀雲舟之還

空木

老樹依澗水隈荒岩春少只蒼苔不知過往山中客
誰為傷心吊賦來

過吳氏宅觀梅

荒園火後遍蒿萊賴有梅花一樹開祇恐明朝零落盡
春風無復此中來

贈惠上人

高樹空林日下遲歸雲并鳥差知師看盡閑風景
瑤席山中獨坐時

題山果幽禽

秋果垂垂壓樹低一枝斜出覆荒溪幸無童豎來樵摘
容得山中野鳥棲

暮春

棟花零落曉溪津
節物無情不戀人
二十四風看已盡
等閑傷酒過青春

題林下燒笋

石火初敲竹下來
長鑿手自斲荒苔
為收殘籜燒新笋
更薦春泉茗一杯

雨中聞黃鸝

高樹重覆酒臺黃
鸝飛遠不驚猜
暖風晴日尋常到
誰為多情雨亦來

宿水西客館呈二陳助教

野性從前與世違
那堪習懶又多時
忽來郭裏聞鐘鼓

始信山中卧起遲

贈明月因長老

少留鬢髮伴蒼顏
爛熳高情詩酒間
自是諸天懽喜象
世緣不盡未還山

上菁山尋王張二山人不值

此日尋君竟不逢
閑行直到最高峯
歸時已是斜陽後
惆悵荒山寺裏鐘

寄佺講師

荒村古寺無人到
獨愛軒窓水次開
池上風光看不盡
蓮香繞過桂香來

陳允中以病不赴約獨還因贈

遠路知君抱病還，高才雖屈喜身閑。
相尋正值重陽日，爛醉秋風九里山。

山中留別張靜居

訪水尋雲幾日閑，君仍留此我先還。
到家已是斜陽後，身在東湖却望山。

山行

千嶂松風百嶂雲，春山行遍此尋君。
林園花盡逢人少，賴有鶯聲到處聞。

過山中廢寺

一榻高懸綠嶂前，窓扉掩映碧蘿烟。
登臨未免傷懷抱，閑與山僧說世緣。

送趙鄉之杭州

何處歌聲怨別離
夕陽亭上送君時
南風似為行人惜
欲使扁舟逆上遲

送張景則歸天台

溯江東去有名山
路遠天台雁宕間
我未得遊空悵望
是君鄉里喜君還

聞鴈寄郡城諸公

風餘殘燭伴離思
幾度懷歸謾作期
寂寞鴈聲山館夜
故人誰念獨聽時

三月廿三日重到蜀山

已荒蕪花自妍
重尋隣舊說
兵前此山多少人
曾住

泉石應同我有緣

舟中聞笛與張文學同賦

何處漁汀晚棹回
笛聲似為水雲哀
相逢莫恠頻垂淚
曾向梁園聽曲來

曉發秀州

路出雙湖烟樹東
舟行長是雨兼風
夢回重有離家恨
惆悵春寒此夜中

無錫道中

溪林晴葉下風遲
山色迎人侶有期
十四年前曾住此
湛公宅裏釣泉時

與丘克莊晚立瓜洲望京口諸山

津頭船發暮潮酣楚水吳山思不堪
歷問青山是何處却從江北望江南

閏七月十五日夜作

河帶踈星淡不流露華蛩響遍
新秋柝聲絕罷砧聲起總是居人也自愁

堤邊柳

天寒憶得度江瀕此日重來客意新
惆悵霜餘一株柳蕭疎元不為行人

泊揚子橋

秋風揚子橋頭路秋水官船泊未開
此處定知鄉里近江南山色望中來

揚州

竹西亭下路迢迢騎鶴仙人不可招
秋草秋烟滿城郭
月明何處夢吹簫

揚州僧舍見花有感

風迹穠香到水涯
幾株桃李映門斜
佳家園圃多荒廢
不是僧房不見花

新亭送宣別駕

清尊別酒此相同
歌斷新亭柳下風
惆悵歸愁與離思
因君併得過江東

居龍河寺懷高季迪

二首

與君長辦酒家錢
共結山盟與水緣
今夜重思舊遊處

一龕閑坐佛燈前

竹下幽泉細々流寺間人去暮烟愁獨憐千里來京客
腸斷龍河寺裏秋

九月十七日聞鴈寄董注

晚意秋陰兩不分渚蘆沙竹護寒雲鴈聲客裏誰先聽
愁絕惟應我共君

冬至

盡知陽復聞迎新我獨無家嘆此身兒女一從埋沒後
眼中骨肉是何人

除夜

客舍無人更寂寥聲傳爆竹隔林遙幾多時節何堪恨

送却流年是此宵

次韻楊孟載夢歸

夢歸繞喜覺還悲
長說歸期未有期
莫恠燈前重垂淚
一千里外對眠時

聽笛

雨映涼天晚更新
笛聲隱約在東隣
眼中多少飄零者
誰是梁園曲裏人
笛裏新翻曲譜新
餘聲掩抑散遙隣
聽來我最思鄉切
不獨山陽作賦人

送顧謹中還吳

楚店風花傍客飛
尊前長是淚沾衣
相逢相別俱零落

君向江南我未歸

送陳知縣赴寧遠

七十人中曾擢桂四千里外獨之官已知遊宦非常別
不用匆匆惜去難

送方給事中

南風花滿荔枝林路出湖山百嶂深惟有白雲長在眼
三千里遠寄歸心

送山西謝負外題楊憲副詩後

故人来誦故人詩千里秋風致遠思回首太行何處是
亂山紅葉鴈來時

送葉知縣

黃葉丹楓葉落時水雲漠漠鴈來遲
秋風長是身為客
已自傷心况別離

題蔣習之春歸得意圖

簪筆親當白玉墀天顏有喜獨能知
歸來疋馬花盈路
正是春風得意時

贈客

君歌掩抑有餘情我欲酬君唱未成
不向江湖諳寂寞
如何知有斷腸聲

題畫有感

上有高楊張王諸友詩

幽禽相對弄芳春嫩竹分稍露葉新
偶看畫圖懷故舊
眼前無幾白頭人

滁州西澗

渡連西澗草還生六月黃鸝幾箇鳴為憶風流常刺史
也曾來此澗邊行

題羊士觀家山水

關武坊中舊草堂鴛鴦湖上好風光四千里路來相覓
謾說楊州是故鄉

題冬青十二紅圖

上有高楊諸友作

秋風吹老萬年枝山鳥飛來啄子時却憶題詩畫中客
一成沒後一少離

廣州雜咏和劉主事子高

鱖魚潮退餘溪澗牡礪墻高結海沙紅葑桂花供釀酒

檳榔萋葉當呼茶

一云非本詩

遶門龍眼樹森然香蠟時來海外舡木樨蒲葵已成俗
紅蕉丹荔不論錢

過庾嶺

盤_々危磴費攀躋烟瘴連雲去漸迷可是行人行不得
青山到處鷓鴣啼

寓舍燕

燕子飛來日幾遭又從窗外立花梢分明探得人心意
方敢嚙泥補舊巢

渡彭蠡至星子灣

水天空濶片帆征風穩波平也自鷺鎮日取程繞近岸

廬山五老又來迎

沅湘道中

落日荒烟野水濱
鷓鴣啼處有行人
東風記取沅湘道
蘭葉蘭花一踏春

宿五溪聞舟中客歌

楓葉林邊有泊舟
夜深風雨總成秋
年來自是頻為客
一度聽歌一度愁

徐溝道中與陳叔謙相失明日因寄

齊得庭中假寐時
馬蹄南北遂參差
信知會合緣非偶
有意相尋竟失期

聯句

怪石

同杜二進士寅至正戊戌過琴川福山曹太

雲宅見庭下所壘而作

陰陽始分判凝結為山骨杜本為后土精自是元氣核

徐拔地生蘄岩凌空起肆坵杜鏘深耻蟻封洞窈致龍

窟徐蘿懸身被衣苔生頂垂髮杜孤標儼立人廉鋒駭

奔卒徐瘦質秋愈清秀姿春更發杜秦王鞭不行熊渠

射寧沒徐醉倚覺神爽戲登恐足蹶杜疏紋粲餘霞圓

竇隱寒月徐初移嵐尚凝久置泉已竭杜子孫保鬱林

公羽仲非魏關徐磨礪去磁礪斲削辭奇厥杜渦存宿雨

妍勢奪夏雲突徐透使流螢穿待飛鳥歇杜礦性稟

堅貞峭形謝肥腴徐膚縐若含皴足斷如受刑杜藏匱

識者唾韞玉凡士佚徐求哀托吳夢下拜誚米謁杜不

動應有神無言詎云訥徐奇巧宛成峯玲瓏難作碣杜

敲擊喜鏗錡持撐懼躑躅徐高宜掛吟猿危可着棲鶻

杜謾疑夜星墮復訝晴烟燂徐山靈悄憑依木怪匿恍

惚杜倚松枕荒堦映竹倒幽樾徐矯尔狀欲伸呀然氣

若歲杜授書何荒唐支機亦芒芴徐寧許埃塽汚肯作

泥塗汨杜汝其愛護之戒言慎毋忽徐

北郭集卷之十



北郭集後錄

北郭集者吾蘇徐幼文先生所作詩也謂之北郭者由祖自毘陵來居吳城北望齊門外故以名集後雖屢遷仍繫舊名乃首丘意也先生生元乙亥世操竒羸而靡庸之惟事經書為文章於詩尤致意焉遭世叔季割據三吳者禮下賢士先生知其終不可與有為遂避地徙吳興之蜀山蜀山云者繇宋蘇長公倅湖嘗登之愛其幽勝類其蜀之諸山而名之也先生上代亦蜀之郊人寓之有以哉至

大明洪武丙辰始用薦者出 廷遣之詢俗晉冀
歸檢其橐惟紀行詩數首餘一無有所得下情
以達稱 旨特授給事中後因廣東闕巡按改
監察御史往嶺南二年廉覈疏雪克振憲體又
改刑部主事權部事平反允當有無寃之譽陞
廣西叅政轉河南歷左布政使在任頗久持已
清慎處事剛方行諸民者簡易不煩一時稱便
時戈鋌既息民瘼未療先生篤加保愛當大將
提六軍靖洮岷往返中原以所司歎其犒勞街
而誣訴之

上以貴迂踈儒者其於軍士之恆固未諳也下因
圖幸全要領而歿寔癸酉七月也先生之詩清
淳邃古弗溷塵俗五言古律似陶韋七言在高
岑間樂府則上可泝漢魏回視張籍王建其儼
倫哉譬之盤蔬孟飯日用所需老圃黃花幽韻
自足評者當為何如字體楷健俊逸類晉王侍
中虞常用水墨寫圖踈宕不拘多詩其上然巨
幅罕見與高楊輩游相唱和故得齊名比唐之
四傑或云張徐稍不逮故老云靜居嘗題宣和
畫瓶中折枝桂云玉色官瓶出內家天香濃浸

月中葩六宮總愛新涼好不道金風捲翠華洎
先生詠紫菊之作諸公咸為之閣筆如此而謂
之並駕詎有先後耶先生平昔所作甚富已成
大家所存殆不止此此其散亡之餘習自幼借
錄以觀得之私泐者夥矣茲已老更加編校圖
梓以傳併述諸故老談先生所學所履之槩如
右尚俟博識君子畀詳正云

成化丁未秋八月望同郡後學張習識



北郭集補遺

泰山紀遊

其一

萬仞峰頭上帝居
紫宸絳節接清虛
崑崙尚想周王制
蟲蠹猶傳秦相書
盤礴三齊橫地軸
孤根西北接天樞
自是仙人真窟宅
願得安期一起予

其二

山下更衣路漸難
巖巖高上歷巉岏
天關遙控三千里
煙磴斜懸十八盤
複殿尚留元狩碣
老松仍挂祖龍官
怪來爽氣清人骨
玉峽流雲瀑布寒

其三

翠削芙蓉倚碧霄，盤空霞磴度飛輶。
絕壁金銀雙闕迴，澄空鐘磬萬山峒。
天門過雨嵐光合，日觀標霞海色遙。
穹碑讀罷占遺跡，欲共元暉問泐寥。

跋

徐布政幼文其先亦蜀人由毘陵徙吳門以下居城北望齊門外故集以北郭爲名此集爲企翱所編刻於成化二十三年丁未蓋在刻眉菴集之後靜居集之前行格同式所鈐印記亦正相同分卷爲十前有成化丙午吳興閔珪序末有張習自跋按文淵閣著錄本爲六卷所據乃陳邦瞻重刊本提要謂其前後無序跋非習所編之舊式知企翱原本二百年前已爲罕覩矣考呂敏跋幼文惠山圖云幼文所製樂府詩文若干卷籤題悟澈集今已不可得未審企翱編集時曾見及否耶又李日華六硯齋三筆錄幼文泰山紀游三詩雄奇高渾雅近唐音今檢集中乃無此詩然則幼文所作散佚不存者正多矣昔人評明初四家詩言幼文詞彩迥麗風神淒朗才不及高楊張而蹈規中

矩亦自善用其短然余觀其晉冀紀行詩十四章筆力堅勁法
度謹嚴力矯元季綺靡之習竹垞謂其詩法砒然森有紀律長
篇險韻極其慰怙頗有類皮陸者余深以為知言竊謂幼文所
作上宜與季迪雁行下視楊張或猶勝之世之論者得毋以余
為鄉人左袒耶丙子閏月蜀南傅增湘識

文騰閣善繪本欲六卷浪翻凡刺洪御重研本豈要詣其陳
詳同伏卷欲十前百知外丙子吳興閔世氣末百幾醫自如
未蓋亦陵鼠莽業之卷備風業之商計詳同左視後甲五
於始業以非詳氣各出業欲全陳浪翻岐外二十三平丁
林亦如說文其去亦從人由里到對吳門以不風氣生望濟門

題